



## Beth i'w wneud os credwch fod y penderfyniad am eich Budd-dal Tai a neu Ostyngiad Treth y Cyngor yn anghywir

Mae'r ddogfen hon yn egluro beth i'w wneud os credwch fod y penderfyniad am eich Budd-dal Tai a/neu Ostyngiad Treth y Cyngor yn anghywir.

Os credwch fod y penderfyniad a wnaethom yn anghywir, gallwch gysylltu â ni i:

- Egluro ein penderfyniad
- Edrych ar y penderfyniad eto
- Apelio i Dribiwnlys Annibynnol i edrych ar y penderfyniad eto

Mae'n rhaid i chi ysgrifennu atom **o fewn mis** o ddyddiad y llythyr penderfyniad. Bydd swyddog gwahanol yn edrych ar y penderfyniad eto i weld a yw'n gywir. Os gellir newid y penderfyniad, byddwn yn anfon llythyr atoch yn egluro'r penderfyniad newydd. Os nad ydych yn cytuno â'r penderfyniad newydd, gallwch ofyn i ni edrych arno eto.

Os na ellir newid y penderfyniad, byddwn yn anfon llythyr atoch yn egluro'r rheswm dros hynny.

### Budd-dal tai

Os yw'r penderfyniad yn ymwneud â'ch Budd-dal Tai a'ch bod am apelio i'r Gwasanaeth Tribiwnlys, mae gennych fis arall o ddyddiad y llythyr newydd i wneud hynny. Llenwch y ffurflen apelio neu ysgrifennu atom cyn pen mis o ddyddiad y llythyr penderfyniad newydd. Bydd y ffurflen yn eich helpu i ddarparu'r wybodaeth gywir.

Os ysgrifennwch atom, nodwch y penderfyniad rydych chi'n apelio yn ei erbyn, dyddiad y llythyr hysbysu a rhoi rhesymau pam rydych chi'n meddwl bod y penderfyniad yn anghywir.

Byddwn yn anfon eich apêl ynghyd ag esboniad o'r gyfraith a'r ffeithiau a ddefnyddiwyd i wneud y penderfyniad i'r Gwasanaeth Tribiwnlys. Anfonir copi o'r papurau apêl atoch chi a'ch cynrychiolydd os oes gennych un.

### Ceisiadau Hwyr i Apelio

Os ydych y tu allan i'r terfyn amser o fis, gallwch wneud cais hwyr i apelio. Y terfyn amser uchaf ar gyfer apêl hwyr yw 13 mis o ddyddiad y penderfyniad.

Wrth ofyn am apêl hwyr, eglurwch pam ei bod yn rhesymol caniatáu eich cais a pham mae teilyngdod i'ch achos. Cynhwyswch fanylion unrhyw amgylchiadau arbennig a olygai nad oedd yn bosibl cyflwyno'r apêl yn gynt.

Mae'n bwysig pwysleisio nad oes unrhyw sicrwydd y bydd apeliadau a gyflwynir y tu allan i'r terfyn amser o fis yn cael eu derbyn gan y Tribiwnlys.

I gael gwybodaeth am y Gwasanaeth Tribiwnlys:

- Ewch i: [www.justice.gov.uk/tribunals/sscs](http://www.justice.gov.uk/tribunals/sscs)
- Rhif ffôn : 0300 123 1142
- E-bost: [sscsa-cardiff@hmcts.gsi.gov.uk](mailto:sscsa-cardiff@hmcts.gsi.gov.uk)

## Gostyngiad Treth y Cyngor

Os nad ydych yn cytuno â'r penderfyniad ynghylch Gostyngiad Treth y Cyngor, cwblhewch y ffurflen apelio neu ysgrifennu atom. Bydd y ffurflen yn eich helpu i ddarparu'r wybodaeth gywir. Byddwn yn ymateb i'ch gohebiaeth cyn pen dau fis iddi ddod i law. Os na fyddwch yn derbyn ymateb gennym ar ôl dau fis neu'n dal i anghytuno â'n penderfyniad ar ôl i ni ymateb, gallwch wneud apêl uniongyrchol i'r Tribiwnlys Prisio.

Rhaid i chi apelio i'r Tribiwnlys Prisio o fewn dau fis o dderbyn ein penderfyniad terfynol ac, os nad ydym wedi ymateb i chi, ddim hwyrach na phedwar mis ar ôl i chi gysylltu â ni gyda'ch gohebiaeth ddechreuol.

I gael gwybodaeth am y Tribiwnlys Prisio:

- Ewch i: [www.valuationtribunal.wales/cy/cymraeg](http://www.valuationtribunal.wales/cy/cymraeg)
- Rhif ffôn: 01633 255003
- E-bost: [VTWalesSouth@vtw.gsi.gov.uk](mailto:VTWalesSouth@vtw.gsi.gov.uk)

**Os oes gennych dystiolaeth i gefnogi'ch apêl, anfonwch hi atom gyda'ch ffurflen/llythyr. Efallai y bydd yn ddefnyddiol i chi siarad â sefydliad hawliau lles, fel Cyngor ar Bopeth neu Shelter Cymru.**



## Ffurflen Apêl Budd-dal Tai a Gostyngiad y Dreth Gyngor

### Amdanoch Chi

<b>Teitl (Mr, Mrs, Miss, Ms)</b>	
<b>Eich Cyfenw</b>	
<b>Enw ac Enw(au) Canol</b>	
<b>Eich dyddiad geni</b>	
<b>Rhif yswiriant gwladol</b>	
<b>Eich cyfeiriad a'ch cod post</b>	
<b>Rhif ffôn</b>	
<b>ydych wedi trefnu i rywun helpu gyda'ch apêl, dywedwch wrthym eu henw a'u cyfeiriad</b>	
<b>Os Llofnodwch y blwch hwn er mwyn i'r uchod gael gweithredu ar eich rhan</b>	
<b>Enw'r budd-dal rydych chi am ei apelio e.e. Budd-dal Tai, Gostyngiad y Dreth Gyngor</b>	
<b>Dyddiad y penderfyniad rydych chi am apelio</b>	

Defnyddiwch y blwch isod i ddweud pam nad ydych yn cytuno â'r penderfyniad. Os oes angen mwy o le arnoch chi, defnyddiwch ddalen o bapur ar wahân, ond gwnewch yn siŵr eich bod chi'n ysgrifennu APÊL ar y brig ynghyd â'ch enw a'ch cyfeiriad.

**Rhaid i chi egluro pam rydych chi'n meddwl bod y penderfyniad yn anghywir. Nid yw'n ddigon dweud 'Nid wyf yn cytuno â'r penderfyniad'.**

- **Dylai'r rhesymau a roddir ymdebygu i'r enghreifftiau isod:**
  - 'Mae fy rhent yn £75 yr wythnos ond rydych chi'n dweud mai £35 yr wythnos ydyw'
  - 'Symudais i'r eiddo ar 1 Tachwedd, nid 1 Rhagfyr'
  - 'Rydych wedi defnyddio'r cyflog anghywir i gyfrifo fy mudd-dal. Dim ond £250 gefais i yn ystod wythnos y Nadolig.'
- **Os ydych chi'n apelio yn erbyn mwy nag un penderfyniad, rhaid i chi egluro pam nad ydych yn cytuno â phob un ohonynt.**
- **Os yw'n fwy na mis ar ôl dyddiad y llythyr penderfyniad, rhaid i chi ddweud pam mae'ch apêl yn hwyr. Mae hyn yn berthnasol i Fudd-dal Tai yn unig.**

## Eich Apêl

Ysgrifennwch eich apêl yn y blwch isod:

## Datganiad

Rwy'n cadarnhau hyd eithaf fy ngwybodaeth bod y manylion ar y ffurflen hon yn gywir ac yn wir.

<b>Eich llofnod</b>	
<b>Dyddiad</b>	
<b>Llofnod yr unigolyn sy'n helpu gyda'ch apêl neu'ch penodai (os oes gennych un)</b>	
<b>Dyddiad</b>	

## Beth i'w wneud nawr

Sicrhewch eich bod wedi gwneud y canlynol:

- Nodi pa benderfyniad nad ydych yn cytuno ag ef a dyddiad y penderfyniad hwnnw
- Egluro pam nad ydych yn cytuno â'r penderfyniad
- Llofnodi'r ffurflen neu mae'r sawl rydych wedi'i benodi wedi'i llofnodi
- Wedi rhoi rhesymau yn egluro pam bod eich apêl am Ostyngiad y Dreth Gyngor/Budd-dal tai yn hwyr
- Wedi darparu unrhyw brawf yr ydych chi'n credu sydd ei angen arnom ni er mwyn cadarnhau'r wybodaeth rydych wedi'i nodi yn eich apêl